

## **ORDENANZA FISCAL DA TAXA POLA SUMINISTRACION DE AUGA**

### **Artigo 1.- Fundamento e natureza.**

En uso das facultades concedidas polos artigos 133.2 e 142 da Constitución e o artigo 106 da Lei 7/85, do 2 de abril, reguladora das bases de réxime local, e de conformidade co que dispoñen os artigos 15 ó 19 da Lei 39/88, do 28 de decembro, reguladora das facendas locais, este Concello establece a taxa pola prestación de servizos ou a realización de actividades administrativas de competencia local por “distribución de auga a domicilio incluídos os enganches á rede e outras instalacións análogas”, que se rexera por esta ordenanza, atendendo as súas normas o que prevé o artigo 58 en relación co artigo 20.4.t), ambos da Lei 39/88, de acordo coa modificación de réxime legal das taxas estatais e locais e de reordenacións patrimoniais de carácter público.

### **Artigo 2.- Feito imponible.**

Constitúeo a actividade municipal que se desenvolve con motivo da distribución de auga potable a domicilio, o enganche de liñas á rede xeral.

### **Artigo 3.- Obriga de contribuír.**

A obriga de contribuír nacerá no momento de prestarse o servizo, logo da correspondente solicitude e autorización do Concello.

### **Artigo 4.- Suxeito pasivo.**

Son suxeitos pasivos da taxa en concepto de contribuíntes, as persoas físicas e xurídicas, así como as entidades ás que se refire o artigo 33 da Lei xeral tributaria, que soliciten ou se beneficien dos servizos a que se refire esta ordenanza.

Consideraranse substituídos do contribuínte os propietarios das vivendas ou locais ós que se provexa do servizo, as cales poderán repercutir, se é o caso, as costas sobre os respectivos beneficiarios.

### **Artigo 5.- Base imponible liquidable.**

A base deste tributo consistirase por:

- Na subministración ou distribución de auga: os metros cúbicos de auga que se consumira no inmovible onde estea o servizo;
- Nas acometidas á rede xeral: o feito da conexión á rede para cada local comercial ou vivenda individual.

### **Artigo 6.- Cota tributaria.**

A contía da taxa que regula esta ordenanza será a que se fixa nas seguintes tarifas:

1.- O importe desta taxa cando se trate de licenza ou autorización de acometida á rede xeral de abastecemento de auga a domicilio percibirase por unha soa vez e ascenderá á cantidade fixa de 150€.

2.- O importe desta taxa de abastecemento de auga a domicilio esixirase de acordo coas seguintes tarifas :

- Unha cota fixa de 3 € por semestre.

- Polo consumo de auga potable de 0 m<sup>3</sup> a 90 m<sup>3</sup>, por semestre: 0,15 € /m<sup>3</sup>

- Polo consumo de auga potable de 91 m<sup>3</sup> a 120 m<sup>3</sup>, por semestre: 0,30 € / m<sup>3</sup>

- Polo consumo de auga potable de 121 m<sup>3</sup> a 180 m<sup>3</sup>, por semestre: 0,60 €/ m<sup>3</sup>

- Polo consumo de auga potable de 181 m<sup>3</sup> a 220 m<sup>3</sup>, por semestre: 1,20 € /m<sup>3</sup>

- Polo consumo de auga potable de máis de 221 m<sup>3</sup>, por semestre: 1,80 € /m<sup>3</sup>

3.- A fianza para responder por obras que se realicen na vía pública será fixada polo Concello.

### **Incluirase anualmente a subida do custo da vida.**

A contía resultante da aplicación das anteriores tarifas incrementarase co tipo impositivo do imposto sobre o valor engadido que resultase da aplicación.

### **Artigo 7.- Exencións, reducións e demais beneficios legalmente aplicables.**

Non se recoñece ningún beneficio tributario agás os que sexan consecuencia dos que se establecen os tratados ou os acordos internacionais, ou os que expresamente prevén as normas con rango de lei.

### **Artigo 8.- Contador individual.**

1. Toda autorización para disfrutar do servizo de subministración de auga levará aparelhada a obriga de instalar contador, debendo ser individual para cada vivenda, con acceso a dito contador dende a vía pública e a unha altura de rasante de 0,80 ata 1,20 m, e deberá colocarse en sitio visible para que permita a clara lectura do consumo do mesmo.
2. A acometida e o contador , debidamente homologado, serán instalados polo usuario nas condicións que lle marque o Concello e a súa supervisión, previa o seu funcionamento, do responsable municipal.
3. Así mesmo colocarse unha chave de paso, estipulada polo Concello, entre a rede xeral e o contador a unha profundidade máxima de 40 cm.
4. As avarías do contador comunicaránselle ó Concello e súa reparación será por conta do usuario.
5. Igualmente, as avarías, apartir da chave de paso instalada na rúa que separa a rede pública da instalación do usuario, debe repara-las o propio usuario.

### **Artigo 9.- Usos permitidos.**

A subministración de auga a domicilio confírenlle ó usuario do servizo a facultade de consumir auga para usos domésticos e industriais, entendéndose por usos domésticos todas as aplicacións para atender ás necesidades da vida e hixiene persoal, como a debida preparación de alimentos, limpeza persoal ,doméstica e lavado de roupa.

Enténdese por uso industrial a subministración de auga e calquer local que non teña a consideración de vivenda, incluíndose neste concepto aquelas actividades instaladas ou anexas a vivenda, cortes, adegas, tendas, bares e semellantes.

### **Artigo 10.- Usos prohibidos.**

Queda prohibida a utilización de auga da rede xeral e abastecemento para a rega de xardíns, predios ou lavados de automóbiles así como a utilización da auga para recheo de piscinas.

### **Artigo 11.- Carácter precario da cantidade da subministración.**

- 1.- O Concello en ningún caso garante a cantidade de subministración, que sempre terá carácter de precario para os usuarios así como tampouco responde nin se responsabiliza dos posibles danos, prexuízos ou estragos que puidese causar nos bens dos mesmos a falta ou insuficiencia de caudal de auga.
- 2.- O Concello, por resolución da alcaldía poderalle ordenar-lo corte da subministración de auga a calquera usuario que empregue a auga para usos prohibidos os que se refire o artigo anterior e tamén por derivacións, averías no contador non reparadas no prazo estipulado ou manipulación do mesmo.
- 3.- A Alcaldía poderá ordenar-lo corte de subministración por falta de pagamento por parte do usuario de tres recibos consecutivos. A rehabilitación farase despois do pagamento da débeda.

### **Artigo 12.- Responsables.**

- 1.- Responderán con solidariedade das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da Lei xeral tributaria.
- 2.- Serán responsables subsidiarios ou administradores das sociedades e os índicos, interventores ou liquidadores de creba, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

### **Artigo 13.- Obriga do pagamento.**

- 1.- A obriga do pagamento da taxa que regula esta ordenanza nace dende que se inicia a prestación do servizo, e a súa facturación e cobramento realizarase con periodicidade semestral.
- 2.- O pagamento de dita taxa efectuarase no momento da prestación da correspondente factura ó obrigado a realizalo.
- 3.- As débedas por esta taxa poderán esixirse polo procedemento administrativo de constrinximento, de acordo co Regulamento xeral de recadación.

### **Artigo 14.- Infraccións e sancións tributarias.**

En todo o relativo á cualificación de infraccións tributarias e sancións, ademais do que prevé esta ordenanza, atóranse ó que dispoñen os artigos 77 e seguintes da Lei xeral tributaria e demais normativa aplicable.

Disposición derradeira.

O texto desta ordenanza fiscal substitúe e derroga ó da anterior e entrará en vigor e será de aplicación ó día seguinte da súa publicación íntegra no BOP, permanecendo en vigor ata a súa modificación ou derogación expresas.

